



UNIVERSITÄTS-
BIBLIOTHEK
PADERBORN

Universitätsbibliothek Paderborn

**Historica Relatio De Ortu Et Progressu Fidei Orthodoxae
In Regno Chinensi Per Missionarios Societatis Jesu**

Schall von Bell, Johann Adam

Ratisbonae, 1672

Compendiosa Narratio de statu Missionis Chinensis ab anno 1581. usq[ue]
ad annu[m]. 1669.

urn:nbn:de:hbz:466:1-11805

im-
em-
dum
ino-
axi-
elo-
on-
vos,
ns-

COMPENDIOSA
NARRATIO.
DE
**STATU MIS-
SIONIS CHI-
NENSIS.**

Ab anno 1581.usqve ad
Annum 1669.

Oblata

Eminentissimis DD. Cardinalibus
Sacrae Congregationis de propa-
ganda Fide.

A. R. P. PROSPERO INTORCETTA
SOCIETATIS IESU Sacerdote, & Procura-
tore V - Provinciae Chinensis.

Anno 1671. 14. Aprilis,
Romæ.

Permissu Superiorum..



I



ore
&
har
pau
fion
Pat
ean
re c

E
qvi
pur
ana
ma
rali
leg
ab



Eminentissimi Domini.

X Chinâ venio , ultimâ Asiæ parte , missus Procurator à Patribus Societatis JESU , ut im præsentiarum provolutus omnium nomine ad pedes Eminentiarum Vestrarum , certiores Easdem reddam de summâ veneratione & affectu , quo tota illa Communitas Sacram hanc Congregationem prosequitur ; simûlq; paucis his lineis statum amplissimæ illius Missionis in Compendio describam , quò tanquam Patres ac Propagatores sanctæ nostræ Fidei , eandem porro paternâ curâ amoreq; protegere dignentur .

Est hæc Missio dives laborum , ob spatiōsum qvindecim Provinciarum seu Regnorum campum ; nec minùs fertilis , ut in ijsdem Christianæ Religionis saluberrimus fructus vsq; ad maturationem succrescat : inops tamen temporalibus bonis , & sine fundatione alicujus Collegij , ut plurimum ex Eleemosynis vicitans , ab Europæis Chinensi Regno vicinioribus cor-

rogatis. Neq; enim fas nobis est vietum à Chinensibus mendicare , ut quām longissimē suspicionem declinemus , quasi illorum Bonzijs similes essemus , aut nostra doctrina æquè, ac illorum sit mendax : Hi enim pauperes , & otiosi in patriâ , Provincias mendicando pererrant perdit Hypocritæ ; sīcq; novis Religio-nis figmentis populo illudunt, ut ventrem repleant. *Quorum DEUS venter est.*

Hâc ergo intentione ab omni mundano emolumento longissimē remotâ , jam inde ab anno 1581. qvo à Patribus Societatis, Michael Rogerio, Francisco Patio, & Matthæo Riccio Italis Missio Chinensis fundata est , laboratum semper fuit , & etiamnum laboratur à Posteris in hoc agro Christi , ad colligendam fidelium messem: Et primis quidem annis lento, sed maturo passu , eò quod China tam civilibus vitijs , quām superstitionibus plena esset , nostriq; Patres cā in regione peregrini ; (unde viginti minimum annorum spatio indigebant, tum ad linguam perfectè addiscendam , tum libris evolvendis , quò Civiles ritus à superstitionis usumq; ab abusu discernerent.) At verò , postquam in plano semel pedem fixerunt , ingens semper augmentum lumpsit Chinensium Conversio; ita, ut ab anno 1681. usq; ad annum 1650. Patres Societatis centum & quinquaginta Christianorum millia sub Christi

Vc-

Vexillo numeraverint , & ab anno 1650. ad annum 1667. centum rursus & quatuor millia, nongentos , octoginta : quibus si accenseas mille & nono gentos à nostris in Insula HAI-NAN ab anno 1656. ad annum 1664. baptizatos ; & deniq; tria denuo millia & quingentos baptizatos à R. R. P. Franciscanis ab anno 1633. primo sui ingressū in Chinas , usq; ad annum 1668. contractus in unum numerus baptizatorum in China , ad trecenta & octo millia, septingentos & octoginta ascendet. Neq; huic numero includo tinctos sacro fonte à P. P. Dominicanis ab anno 1631. ingressū sui primo , ad usq; annum 1650. eò quod numerum ignorem. Non præteribo tamen numerum Residentiarum , Templorumq; seu Ecclesiarum à Missionarijs & Christianis in hoc vastissimo Chinarum Imperio D e o dedicatarum: Habent P. P. Dominicanī Ecclesiās 21. Residentias 2. P. P. Franciscani Ecclesiās tres , Residentiam unam. P. P. Societatis Ecclesiās 159. Residentias 38. Non recenseo hīc Oratoria privata , quae sunt sine numero , sed solum Ecclesiās omnibus communes.

Porro Status nostrae Missionis sub annis Imperij Chinensis utcunq; diversus fuit ab eo, qui nunc est sub moderno Tartarorum Imperio , qui hodiēq; omnibus Chinæ Provincijs dominantur , nec ideo minus Tartariam suam gu-

Z 3 ber-

bernant: Quippe Chinensibus clavum adhuc moderantibus, non solum missionarijs occulte intrandum fuit, sed ut plurimum etiam non nisi clam licebat ijs per Sacra menta, functionesq; Apostolicas hunc Christi agrum excolere, ut cum pace & quiete salutiferum fructum animarum conversionis colligere possent. Et licet Anno 1638. occulta haec quies turbari coepit per repentinam persecutionem in quintum usq; annum protractam (quae tamen sancte pie que declinari poterat nisi indiscretus obstitisset Zelus, & modica quorundam Missionariorum experientia, recens in Chinam per Philippinas intrantium) non tamen ultra processit Furor, sed solo indiscretorum exilio contentus, Chinensium Conversioni pristinum reliquit progressum.

Translato dein sub annum 1643. ad orientalem Tartarum, XÚN CHÌ dictum, Chinensium Imperio, Fidei etiam Propagatio ex occulto in apricum vindicata est. Cum enim P. Joannes Adamus Schall ex Societate JESU, huic Imperatori apprimè esset charus, & ab eo non solum ad Praefecturam Tribunalis Mathematicæ in ipsa Pequini Aulâ evectus, sed multis etiam primarijs Regni Titulis condecoratus, facilâ insuper potestate, Conclave Regum pro arbitrio intrandi, tum ad salutandum Imperatorem, tum ad monendum, suggestumq;

dumq; quidquid ad Justitiæ , & rectæ Guber-
nationis augmentum conducere judicaret; Nos
quoq; Missionarij reliqui , per varias sparsū
Provincias, à Civitatum Gubernatoribus con-
simili sumus benevolentia excepti , consimili
æstimatione honoréq; ornati : Christiani a-
manter habitu ; Ecclesiæ Domusq; nostræ à lit-
teratis, etiam Paganis frequentatæ ; editi à no-
bis Chinensi lingua libri cum desiderio expe-
titi ; (Soli enim Societatis Patres de Religione
Christianâ 131. libros edidere ; Physicos verò
Moralésq; 55. ac demum Mathematicos cen-
tum & suprà typis vulgârunt ; P. P. Domini-
cani tria de Christianâ Religione volumina ,
Pater etiam ex Franciscanâ Familia librum e-
didit vnum tribus tomis distinctum) aperta-
templa , & ab omnibus honorificè culta : Ce-
lebrati magnâ cum pompâ Festi per annum Di-
es solenniores , exstructæ novæ , ac sumptu-
osæ Ecclesiarum fabricæ ; verbo , Fides Chri-
stiana felicissimis progressibus ad Boaziorum
Orciq; invidiam propagata .

Cum ecce post XUN-CHI Benevolentissimi
Imperatoris mortem , quæ anno 1664. Se-
ptembri mense secuta est , mutatâ repente sce-
nâ prodijt in campum dirus Satanæ Minister
YAM-quam-sien appellatus : Is , quum Dia-
bolicis Chinensium sectis ceu author Fautórq;
præsideret , scriptam adversus Apostolicos vi-

ros Tabellam (Memoriale vocant) simûlque plenum in divinam Legem blasphemis librum ad quatuor Imperij Gubernatorum Tribunal detulit. Tartari hi erant omnes, à Defuncto XÚN-CHÍ Protectores nominati Infantis C A M HÍ, Filij secundò geniti, ac Imperij Hæredis.

Summa Memorialis fuit: quòd moliremur rebellionem, quòd legem prædicaremus falsam, cuius Caput sit Crucifixus, mortuus in medio duorum Latronum; quòd erraremus in regulis Mathematicæ Europeæ, per quam antiquissimam Chinensium Mathematicam obscurare, Domumq; Regiam destruere conancmur. Susceptum est Memoriale à quatuor Gubernatoribus simulato vultu, & accusatori in speciem subiracente, licet dum & reipsa, iniquissimas ejus accusationes, & molitiones diaboliças omni favore promoverent, quippe jam priùs tum ipsi, tum reliqua etiam Tribunalia amplissimis donis, & magnâ argenti summa corrupti, quam à sectariis per omnes Provincias industria accusatoris collegerat, non alio fine, quam ad Legem Christianam cum omnibus asseclis funditus abolendam. Ventilatur causa per Tribunalia complura, & in his Veritas & Innocentia magnopere proculcatur: Comprehenduntur interim quatuor Societatis Patres, qui in duabus Aulæ Ecclesijs diversabantur, singulifq; catenis novem, hoc est

est ad collum , brachia , pedesq; ternis ligantur. Ita vincit arctissimâ custodiâ duorum mensium spatio tenentur , & ex carceribus ad Tribunalia , ab his item ad carceres in singulos propè dies raptantur. Durârunt Examina ultra semestre , reposita à Patribus conformia semper & intrepida responsa ; & quamvis adversarij manifestæ calumniæ fuerint convicti , nihilominus , partim tacitâ Judicium dissimulatione , partim declinatis ad alia sermonibus semper triumphavit Iniquitas. Fulminatur itaq; acerbissimæ mortis Decretum adversus Patrem Joannem Adamum , ceu reliqurum Antesignanum , & Fautorem Primarium Christianæ Legis , quæ à quatuor Imperij Gubernatoribus , latâ pro Tribunal sententiâ , pro Falsâ est condemnata : quam tamen Sententiam , Doctiores è Chinensibus , & in nostrorum librorum periti negârunt in Aulâ Chinensi ferrari potuisse ab alijs , quam à bestialibus Tartaris ; lata etiam adversus alios omnes virgarum exiliq; sententia , & Locus exilij Tartaria assignata. Mittitur confestim Edictum Regium , ad omnium Provinciarum Rectores , ut Patres Europæi omnes , per Imperij vrbes Terrâsq; diligentissimè conquisiti , ad Aulam securè ducantur ; comburantur Doctrinæ Christianæ libri , aliíq; similes , jubentur tradere Christiani , quas colunt , Imagines ; ipsi tamen com-

Z s

pre-

prehensi non sunt , nec sublatæ etiam Imagines publicè in Ecclesijs expositæ , sed Templo clausa , & alijs custodienda tradita .

Mandatum est Executioni Decretum per omnes Provincias , sed rigore plurimū inæquali , pro majore scilicet , aut minore Præfectorum in nos , nostrāmq; Legem affectu , qui maximè in executione eluxit . Pars major Patrum , per Provincias sparsorum comprehensi , & per aliquot menses in carceres conjecti , indéq; ad Aulam stipante militum manu deducti : alij collo catenis inserto , alij liberi ; multis libri omnes tum Europæi , tum Chinen- ses combusti , aliquibus servati intacti . Quarundam Ecclesiarum , cùm clauderentur , claves Christianis traditæ , aliæ militibus , vel Tribunalium ministris pro habitatione relictæ : in aliquibus vrbibus afflicti Christiani , sublati è templis imaginibus sacris , rebūsq; nostris divenditis , non item in alijs .

Sub hâc tum Inquisitionis , tum Executionis per Imperij vrbes varietate , omnipotentia divina ad Innocentiæ tutelam , suæq; sanctissimæ Legis gloriam , iteratis horrendis terræ motibus , aliis q; prodigijs Aulam Pequinianam adeò conterru it , ut Tribunalium Præfectos cogeret mutatæ mortis , virgarum , exiliique sen-

sententiâ , Nostros his malis jam destinatos , liberare repente ex ærumnoso carcere , & in alteram ex Aulæ Ecclesijs transferre . Licer autem fatalis fententiæ furor vtcunque sit mitigatus , clamante præsertim populo Pequiniano : Magnum esse Christianorum DEUM , qui ad vindicandam suorum Innocentiam Cœli terræq; vires in eorum hostes vibraverit ; nihilomin' indurata accusatoris *Tām-quām-sic* malitia correcta non est ; quin imo traditis semper novis accusationum libellis , monebat Tribunalia , ne imperitæ plebis clamoribus attenderent , sed potius debito suppicio prosequerentur abolitionem Legis falsæ , ejusque Prædicatorum , ac Mathematicæ præsertim peregrinæ , quæ mortis Filioli Principis Primogeniti , omniūque Regni calamitatum causa fuisset .

Eò denique processit Iniquitas , ut de Christianis Chinensibus quinque , ijdémque literati , & Tribunalis Mathematicæ Præfeci , eōq; P. Joanni Adamo subordinati , capite plexi fuerint ; Neq; hoc Innocentum Christi Agnorum sanguine emollitum est Hydræ hujus infernalis adamantinum pectus , quin semper avi diùs Europæorum præcipue , ceu Primatorum Christianæ Fidei Ministrorum sanguinem

nem sitiret. Quam in rem in vltimis suis Memorialibus , cùm jam omnes ex Provincijs ad Aulam deducti , vnúmq; in locum compacti essemus , adduxit pro exemplo Philippinas ab Hispanis , industriâ Prædicatorum nobis similium , & ejusdem nobiscum Legis , subjugatas; Exemplum item Insulæ Japonis , vbi Sacerdotum extraneorum , & Christianorum Japonum ingens numerus occisus , non aliam , vti dicebat , ob causam , quām quod detecta fuerit Conjuratio adversus illud Imperium , quod proinde Sacerdotibus Europæis in æviternum citra reclusionis spem fit obseratum. Hujusmodi exempla complura Tartaris exhibita , alium contra nos , quæ DEI Bonitas fuit , effectum fortita non sunt , quām ut 25. Sacerdotes in vltimam Australēm Provinciam , Cantonem vocant , destinatum scilicet exilio locum ablegarentur , quatuor solum Societatis Patribus in aula & ejusdem orientali Ecclesiâ relictis , additis tamen ad portas custodibus , & prohibitâ Christianarum functionum administratione.

Discessimus ex Aula 25 Patres. 13. Septembris , Anni 1665. militum globo stipati ; neq; Navigatio nostra , quam secundo flumine instituimus , multum molestiæ habuit : Deducti enim suimus Navibus Honorarijs per amplis , &

Re-

Regiorum Praefectorum proprijs. Post sex menses Navigationi insumptos, ad exilij locum appulimus, ubi rursus adjuncti ad portam custodes & Evangelica munia interdicta; non tamen eo rigore tractarunt nos milites, ut non liberè foras egredi, ad juvandos in Spiritu Christianos liceret, (dummodo sub noctem domum rediremus) neq; ut ad aram facere, admissis etiam Christianorum permultis, prohiberemur. Dum h̄c moramur, nullo interim indicio investigare potuimus, quid demum de nobis statueret Tartarus; mortēmne, an totalem ē Chinā egressum, an Carceres perennes, Exiliūmve moliretur: tanto magis, quod Criminaciones Inimici nondum erant Pequini finitæ; siquidem post nostrū discessum impetravit illico à 4. Gubernatoribus, ut vna Ecclesiarum Pequini, orientalis scilicet, disloveretur, altera verò traderetur eidem, ut cam in speculam seu Turrem verteret, ad stellas observandas.

In hâc Eventuum ambiguitate, opportunissimum nobis tempus relictum est, examinandi non sine fructu, libros, ritus, usq; ac consuetudines nostræ Missionis, per quadraginta & plures Conferentiarum dies: eum in finem, ut in futurum omnes, easdem praxes, modosq;, nec non Doctrinæ Conformatatem, & Charitatis Unionem intra variorum Ordinum Reli-

Religiosos observaremus; DEO præsertim, non sine speciali Divinæ suæ Providentiæ consilio, uno nos loco congregante, & aptissimum huic negotio tempus suppeditante.

Porro Nobis exilio damnatis, dissolutâ item Aulæ Ecclesiâ, ac demum P. Joanne Adamo in eâdem Aulâ, solis ærumnis & Persecutionis doloribus, quibus ipse, licet senio annisque, præ quam ceteri, gravis, multò violentius premebatur, confecto, ac mortuo; ipsa etiam Elementa condoluere, monstratis certatim Iræ Divinæ signis, & toti jam Chinæ exitium minitantia, ad vindicandas Injurias, Innocentiae, & Catholicæ Religionis Veritati illatas. Non h̄c referam Elementorum furores, aut prodigia de cœlo secuta, nec Persecutionis præludia, qualia per totum tempus, quo illa duravit, distinctâ & accuratâ relatione perscribit, & ad Eminentias Vestras transmittit (vide infra) R.P.F.Dominicus Maria Sarpetri ex sacro Prædicatorum Ordine Missionarius in China, & Operarius optimus.

Recensebo tamen breviter Extinctæ jam Persecutionis præludia, & de Patrum Exulum ad suas Ecclesias restituzione lætissima nova.

Post

Post meum è Chinâ discessum Tres Societatis Patres , Gabriel Magalhanes , Ludovicus Buglio , & Ferdinandus Verbiest, qvi jam primò in Aulâ substiterant, miserunt Relationem, scriptam Pequini , sub die 2. Januarij 1669. quā certiores nos reddunt, se pariter omnes restitutos in gratiam Tartari Imperatoris *Cám-hì*, qui Possessionem Imperij jam occupaverit sub annum ætatis 14. Tum deinde, quod ob complures & manifestos errores, quos adversarius noster *Tám-quám-sien* in Mathematicæ Calculis commisit, status ille revocatus ad Examen fuerit, in quo , præsente Cám-hì Imperatore , & aulicis Tribunalibus , à P. Ferdinando Verbiest ignorantiae sit convictus, ademptaque eidem Mathematicæ Præfectura , prænominato Patri Verbiest eodem prorsus modo fuerit demandata , quo ab Imperatore Xùn-chì consignata erat P. Joanni Adamo Schall; quemadmodum etiam ex alijs literis Macao mense Septembri ejusdem anni scriptis intelleximus. Est hòc evidens præludium alterius scenæ mutationis , pro Missione Chinensi admodum gloriosæ. Imò de facto mihi dubium non est , Patres illos omnes , quos Cantone in exilio reliqui , Ecclesijs suis jam esse restitutos , & quidem cum gaudio universalis , non solùm Christianorum ijs in parti-

partibus , sed Chinæ totius , solis Bonzijs corūmq; Sectarijs exceptis ; siquidem Innocentia sanctissimæ nostræ Legis toti Chinæ fuit notissima , & perinde pristina nostra libertas ab omnibus desiderata .

Dico itaq; , ad consummandum Christiani illius Gregis Patrūmq; Missionariorum perfectum gaudium nihil porro deesse , quām plurimorum Operariorum subsidium , tum ad complendas & animandas Ecclesias etiamnum vacuas , tum ad messem quām plurimam colligendam , quæ pro Cœlesti Granario jam matura offertur . Sentio equidem , pro hoc Chinensi agro duo Operariorum millia neutiquam sufficere , desidero tamen solos minimum quadraginta , quos mecum in Chinam deducam , & inter paucos illos Patres (senes jam & laboribus oppressos) ad addiscendam Linguam dispartiam , ut cā paucos per annos exactè comprehensā , & Chinensium literarum effecti Magistri , possint & ipsi docere posteros , sīcq; suavissimā continuatione sanctissimam nostram Fidem in literarijs illis Chinæ campis propagent . Me quidem (fateor) ad hunc effectum vires deficiunt , siquidem , ut initio insinuavi , Missio hæc Fundatorem non habet , vivitq; ex Eleemosynis ab Europæis collectis : Non deficiunt tamen assiduæ preces , & lamen-

tabi-

tabilia Militantis Ecclesiæ Chinensis suspiria,
ad permovendam Clementiam Divinam , ac
Fidelium pietatem , ut liberaliter concurrant
ad promotionem Operis , in se tam sancti , &
ad Chinensium Conversionem tam necessarij ,
& denique pro DEI Honore tam gloriosi.

Atque hic est , Eminentissimi Domini , ab
integro propè seculo Chinensis Ecclesiæ status ,
descriptus à me hoc brevi Compendio , quod
ego hodie Eminentiarum Vestrarum pedibus
humillimè substerno , nec aliud laboribus meis
præmium expeto , quam ut ab Eisdem clemen-
tissimè acceptetur , id quod pro lucro simul &
solatio reputabo.

E. E. V. V.

*Indignissimus & Humillimus Servus
in Domino*

PROSPER INTORGETTA.

Aa

CA-